

Kontuola

ANTZUOLA / Eguena / 2003ko uztailaren 24a / 167. zenbakia

KOORDINATZAILEA: Aintzane Irizar • Barrenkalea 33 20570 BERGARA • Tel.: 943 76 03 97 • Faxa: 943 76 29 77 • Posta elektronikoa: kontuola@goiena.com • Lege gordailua: SS1179/02


Behin-behineko aparkalekua jarri dute maristen eraikina zegoen tokian

AINZANE IRIZAR

Orain dela hiru aste eraitsi zuten, azkenean, maristena izandako eraikina. Leku hori aprobetxatuta, autoendako behin-behineko aparkalekua egokitu du hantxe Udalak. Orain, berriz, beste hainbat lan egitekoak dira toki horretan, gunea txukuntzeko.

Maristen eraikina zegoen tokian hainbat lan egin eta herriko jaientarako aparkalekua egokitu zuten hantxe. Kanpotik etorritako jendeari, batez ere, ondo etorri zitzaion aparkatzeko gunea hori.

Aurrera begira, Gizarte Etxe berria egiteko asmoa du Udalak toki horretan. Bi aurreproiektu zituen Udalak eskuartean, maristen eraikinean Gizarte Etxea egiteko. Eraikin hori bota egin behar izan dutenez, egoera guztiz aldatu da eta momentu honetan ez dago inolako proiekturik. Kultura batzordeak lanean dihardu, eta irailtik aurrera hasiko da aukera guztiak aztertzen. Udaleko arduradunen esanetan, behin betiko proiektua egin, proiektu hori onartu eta lanekin hasi orduko, hilabete batzuk pasatuko dira. Horrela, Gizarte Etxea eraikitzen



Herriko jaietan, batez ere, oso ondo etorri zen Eguzki auzoaren ondoan aparkalekua egotea.

hasi bitartean, gunea hori aparkaleku moduan erabiltzen jarraitu ahal izango dugu.

Eguzki auzotik jarri dute aparkaleku berrirako sarrera, auzo horretako aparkalekutik, hain zuzen ere.

INGURUAK TXUKUNDUKO DITUZTE

Aparkalekua behin-behineko den arren, esan bezala, hilabete batzuk pasatuko dira Gizarte Etxea eraikitzen hasi orduko; bien bitartean ingurune hori txukun egotea nahi du Udalak, eta

horretarako hainbat lan egingo dituzte: hesiak kendu, eta horren ordez, barandak jarriko dituzte; agerian geratu den hoditeria ezkutatu egingo dute eta lanek eragindako hainbat kalte konponduko dituzte.

HERRITARREN HITZA / Paco Morcillo • Langilea

Kultura: Kultura Etxea

Azkeneko egunotan, maristen eraikina zela eraisten zuten ikusi ahal izan dugu. Zinema, erretiratuen egoitza eta herriko hainbat kultura taldek euren jarduerak aurrera eramateko egoitza bilhurtu zen eraikin hori, maristena izan eta gero.

Herritarren artean eraikinaren gaineko galdeketa egin zuen Udalak, eta eraikin hori Kultura Etxe moduan erabiltzea erabaki zuen.

Eraikinaren osasun egoera, baina, ez zen oso ona; ez zen eraberritua izateko bezain ona.

Orain, Kultura Etxea izango den eraikin berria egin beharrean aurkitzen gara. Duda barik, guztiz beharrezkoa da, nahiz eta kultura kalean ere egin daitekeen. Hemen idazten dizuen honentzat, garrantzi-



"Kultura Etxea egin bitartean, ez diezaiozun laga kultura egiteari"

tsuena da Kultura Etxe hori parte hartzailea izatea eta kulturaren alor guztietan garapen ona izatea. Bestalde, aberasgarria izango litzateke belaunaldi ezberdinetako jendeari elkarrekin harremanak izateko aukera eskaintzea.

Kultura, euskararen arloan, hizkuntza ikasi eta hobetzeko.

Musikari dagokionez, arte hori garatzeko.

Dantza erregionalei dagokienez, dantza horietan parte hartzeko.

Azken baten, kultura garapenari dagokionez, herritarrak aberastuko dituen jarduera guztiak hartzea.

Herritar moduan, berandu baino lehen, herrian Kultura Etxe berria izatea espero dut.

Bitartean, baina, ez diezaiozun laga kultura egiteari.

LABUR

Kristina Pavo antzuolarra dugu bake epaile berria

Aurreko asteko eguenean hartu zuen Kristina Pavok bake epaile izateko kargua. Atzo bertan, eguena, zen haştekoa lan berri horretan. Erregistro Zibilaz arduratuko da Kristina: bikoteak ezkontzeaz eta jaioberrien izenak erregistroan sartzeaz arduratuko da, besteak beste. Bestalde, falta-epailetak tramitatzeaz ere arduratu beharko du Kristinak. Horren harira, gogora ezazue eguen goizetan egoten dela zabalik Bake Epaitegia, udaletxean bertan.

Alde zaharreko kaleetan lurzorua aldatuko dute

Alde Zaharra Eraberritzeko Plan Bereziarekin lotuta, etorkizunean kaleetako lurzorua aldatzeko asmoa du Udalak. Erabaki garrantzitsua izanik, jendearen iritzia kontuan hartuko du Udalak. Horretarako, erakusketa jarriko dute astelehenean, hainbat lurzoru motarekin. Irailean ere egongo da ikusgai erakusketa hori.

JAIEN ONDORIOAK

Herriko jaietan kalte ugari eragin dituzte

Jaietan giro eta eguraldi ona nagusitu zen arren, jaien biharramuna bestelakoa izan zen.

Kalte ugari eragin dituzte ezegzagun batzuek herriko hainbat tokitan.

Batetik, ambulatorioko igogailuan; jaien ostean martxan jartzeakoak ziren igogailu berri hori baina, jaietan jasan dituen kalteak ikusita badirudi ezin izango dutela estreinatuta irailera arte. Ezegzagun batzuek atea indarrez zabaldu, barrura sartu, hainbat botoi eta kable apurtu eta pintadak egin zituzten barruan.

Bestetik, herriko alde berrian, Sagasti auzoan, hain zuzen ere, hamar bat zuhaitz apurtu dituzte. Gainera, azkenaldi honetan jarri dituzten farolak ere apurtu dituzte. Hamabost bat farola azaldu ziren buru barik.

Horrez guztiaz gainera, gunea horretan aparkatuta zeuden hainbat automobil ere hondatu azaldu ziren; batez ere, hainbat marka egin zizkietelako.

Udaleko arduradunek adierazi digutenaren arabera, jaietako gunean, aldiz, ez da inolako arazorik izan.

Ekitaldi jendetsuenak domekan izan ziren

Lau eguneko nekea gainean genuen arren, domekako ekitaldiak izan ziren arrakastatsuenetakoak eta jendetsuenetakoak; zirku ikuskizuna eta eskalatzaileen erakustaldia, batez ere.

Jaien hasiera ezohikoa izan zen: udalbatza dantza saioa egiten zebilen bitartean, bi kon-

tzentrazio egin zituzten: Gertu Gae plataformakoek bata eta Gazte Asanbladako kideek bestea. Gainerakoan, baina, giro onean joan ziren jaiak.

Aurtengo berritasunetako bat izan da txosnak beste toki baten jarri dituztela, Udal Pilotalekua- ren ondoko frontoi txikian, hain zuzen. Ezkutu samarrean gera-

*Aurtengo jaietako
berrikuntzetako
bat izan da
txosnak toki
berrian jartzea*

tzen den arren toki hori, jendeak topatu zituen, bai, txosnak.

Alardean, berriz, berritasun gutxi egoten da, baina aurtengoa egon da, bai, zerbait berria; izan ere, Genaro Laskurainek hogeita laugarren eta azkeneko aldiz hartu zuen parte; horregatik, alardea amaitu zenean, omenalditxoak egin zioten.

Alardearen ondoren, Zurragi aldera abiatu ginen asko, Gazte Asanbladakoek antolatutako Herri Olinpiadak ikustera; baina, horren ordez, kontzentrazioa egin zuten gazteek. Jaiak amaitzeko, domekan, esan bezala, ekitaldi arrakastatsuenetakoak izan genituen.

ARGAZKIAK: AINTZANE IRIZAR



Giro arraro samarrean hasi ziren jaiak, protesta ekitaldiekin.



Egubakoitz gaueko kontzertuak jende ugari erakarri zuen.



Hogeita lau urteren ostean, Genarok agur esan dio Alardeari.



Herri Olinpiadak bertan behera laga eta kontzentrazioa egin zuten Gazte Asanbladako kideek.



Jose Luis Zabalo

Kalegoi 9, 1. solairua
ANTZUOLA.
Tel. 943 76 60 89
Faxa: 943 76 60 14

ZAHAR BERRITZEAK:
Fatxadak
Bainugela eta sukaldea
Lokal komertzialak
Teilatuak

**Eta orain....
GREMIOEN
KOORDINAZIOA**

**LEKY-BERRI
MERENDEROA**

Janariak
eta
edariak

Tf. 943 76 60 94
ANTZUOLA

HARAGIAKIN


Sakelakoa
Faxa
Hiltegia.....

608 67 18 10
943 76 65 11
943 71 63 21



Gaztetxoenen gune gustukoena izan dira barrakak; hantxe laga dituzte askok jaietako diru guztiak.

Ikusmin handia piztu zuen Bielorrusiako zirkuak domeka arratsaldean.




Zurragi itsaso bihurtu zuten Kulki taldekoek, eta umeak arraunlari eta arrantzale bihurtu ziren.



Herri bazkarian preso senitartekoak omendu zituzten antolatzaileek.

Trastortzak ezin izan zuen parterik hartu; haren ordez, bi eskalatazaila gazte igo ziren kanpandorrera.

LARREA
TABERNA
Kalebarren 17
ANTZUOLA



Z *Zabalo Iturgintza S.L.*
Bidea eginez

Tailerra: Uzarraga bidea, 10. Antzuola. Tf. 943 78 71 78
Erakusketa: Kalebarren, 1. Antzuola. Tf. 943 78 71 79, Tf. eta F. 943 76 64 73

- Gasa
- Berogailuak
- Haire egokitua
- Enpresen mantenimendua
- Lurrun instalazioak
- Bero-urreztea
- Bainugelak. Proiektuak momentuan DIBaren bidez
- Birgaitze-espeditentek bideratzen ditugu

MUJIKA HARATEGIA

Berezitasunak:
Etxean hazitako zekorrak eta oilaskoak
Kalebarren, 1.
ANTZUOLA
Tf. 943 76 64 34